

cover

messenger

Editorial Board

Editor

Rev. Khen P. Tombing

Jt. Editor

Rev. H. Chin Thiansong

Circular

C. Biaklun

Contact:

Rev. Rev. H. Chin Thiansong

☎ 8731850322

Head Office: PCI (R)

Box-32, New Lamka (H)

Churachandpur-795 128

Manipur, INDIA

website: www.pcireformed.com

asunga thu omte -

Editorial - 01

Jona apan zil ding - 02

Kum sang lalgam - 06

Saptuam puhndan leh khanna - 13

Naupang si ding ka en ngam kei - 21

Na inkuante awlmoh in - 26

Moderator in vai asai dan ding - 28

Kristian inkuan pangkhawm - 29

Kristian nute' hihna - 30

Lauken kei na phaw leh - 31

Thumna makai - 32

Subscription fee:

Kha khatin Rs. 10/-

Saptuam website thak:

<http://www.pcireformed.com>

setting- v.nunlian

THUMNA MAKAI

* Pastor dia GAWC a pulaktouh dingte:

01. K. Dongkhankhup

02. Nanglian Tonsing leh

03. Hengam

Amaute i thumna uah theizuini.

* Kumnawn 2013 Piching Sunday School ding bawltu Rev. Vung D. Tombing a dingin thumsakni.

* Rev. G. Pau Muanthang leh a inkuante, Bangalore a laizil a omte a dingin thumni.

* Tutung VA/VC kitelna a telching a omte'n Toupa' deihdan zui a nna ahon sep touh ua, i gam leh khotang in masawanna amaute tungtawn a aneih na dingin thumni.

* Maban a GAWC leh GA khawmpi om dite hoihtak a zoh ahih a, Toupa leh A saptuam adia khanna nasa zaw seem ahon tut theih na dingin thumni.

* Rev. Jerry Klemm, Covenant Presbyterian Church, USA in i saptuam veh hong veh in, New Lamka kho taw lam a Munhoih Biakin thak honna hong nei ding. Huaibanah Kilakna toh kisai seminar leng hong neihpih ngal ding hi. I thumna uah theizuini.

* Tukha tawp in naupang lam school kaite exam ta ding uhi. Amaute'n hoihtak a ahon zoh theihna dingun thumni. Abiktakin i saptuam nuai a school omte a dingin thumni.

* 2012 Christmas hoihtak leh manpha tak a i zat theih siau-siau na dingin khotang thoveng leh hun hoih Toupa kiang ngenni.

Thu tuamtuum sutzopna:

4. GAWC Meeting omding.

Amun: Conference Hall, PCI Head Office.

Ani : November 08, 2012 (Ningani).

Ahun : 10am.

5. General Assembly omding.

Amun: Mualkoi PCI Biakin.

Ani : December 12, 2012 (Nilaini).

Ahun : 9:30am.

Editorial

KINIALNA DING OM KEI VEH

Kristian unaute lak ah GINNA TUNGTAWN A HOTDAMNA tungtang a kigen chiangin kinialna piang pahpah hi. Huaiziakin kinialna ding om kei veh chih thupi a zangin ginna chi 2 (khover honpiak ginna leh Pathian honpiak ginna) te saulou kha in kikum leng ka ut hi.

1. Khover hon piak ginna: Adam leh Evi Eden huan ah nuamsa leh lungkim in na khosa uhi. Setan in mu ahih man in a siamtu Pathian' lungsim suknat tupna toh kilawmtakin va khempuk tanghial hi. "Gehen pan Ziin lai hing leng e nunnuam a khawl Adam leh Kawi malbang vakou e. Adam kawinem Evi lungmawlnu'n Ziin' zedam palbang nangla'n kha na keta kha na keta e". Eden a pukna a om apan ginna i neih pen Setan a hong kipan or khover honpiak or i pianpih ginna ahi.

2. Pathian honpiak ginna: Pathian in a Kha Siangthou zangin ginna mihingte ah a koih a huai ama koih ginna tuh a pom hi. Romete 8:15,16 Kha mahmah in eimah kha kianga Pathian ta na hi chih hon theisak in Abba Pa chin hon kikou sak.

Khover honpiak ginna tuh Marka 5:1-13 a kigen dawite/setante ginna ahi "Jesu, Pathian Tungnungpen Tapa, kei leh nang bang ahia i kizollhna om? Hon gimsaklou dingin Pathian minin nget chih takin ka honngen hi, a chi a". Jesu a theichian ua, a gingta mahmah uh ahihhangin amau ginna pen Pathian piak ginna hilou ahihmanin hotdamna kham ginna ahi theikei a van gam a kai kei bok ding uh. Pathian honpiak ginna pen hichi bangin ka hon genteh ding: Government ten tekpi/tekpu te sum pe nuam selua in old age pension card pe masa uh a, huai card neite kiang ah sum pepan uhi. Huai bangdeuh in Pathian in honhondam nuam ahihmanin a Kha Siangthou tungtawn in ginna honpe phot a huai ama honpiak ginna tuh hotdamna kham ginna in honpomsak hi.

Huaiziakin Ephesate 2:8 ah "hehpihna ziaka ginna tungtawn a hotdam nahi ngal ua; huai leng noumaua suak a hi kei a, Pathian thawnpiak ahi" chih kigelh pen pomtak Pathian thu ahih manin hotdamna dinga ginna kichi khawngzaw mihing bawltheih hiam mihing apan piang mawk hilou a Pathain akipan mah ahi chih ipom chiat ding uh, huchiin kinialna ding a om kei ding hi.

NA GINTAK SANGIN PATHIAN IN HON AWLMOHZAW HI

Rev. G. Pau Muanthang

I hinkhua ah ei hihtheihna leh thuneihna pel a thil hong tung khenkhatte ziakin in zumna zahlakna, khasiatna leh lungkiakna tanpha hontun thei kha sek hi. Huchibang hunte ah eilam i ki-en in hihkhial kisakna, kizen lou kisakna, leh a hoihlou lam kipia a nakpi a kimohsakna bang a hon tun in, “Huchi kha leng” hichilou mah ding hiven, a hitheilou pi “A kha leng” buaipih in i om hi.

Himahleh ei hihtheihna pela thil hongom leh hongtung ahih chiangin bawldik theih hiam, pan lak ek a phatuam lua leng a om lawmlawm kei hi. A phatuam pen tuh, nang leh kei tung, hunte, hunbite, thiltungte leh khovel leh a sunga om tengteng tunga thuneipa Pathian kiang tut ahimai hi. Hiai anuaia thiltung en mah dih!

Migiloute nasep ziaka World Trade Center lenna zanga phutsiat ni (Sept. 11) in mihing 3000 valin ahinna uh ana mansuahta uh chi i thei hi. Himahleh, a lehlam a thillamdang mahmah om tuh mi bangzah hiamte huai ni sese in bang hiam ziakin World Trade Center a office kai ding uh zekai kha ua, huai ni a misite lakah simtel ahi kei uhi.

o Company lian mahmah heutu khat huai zing a tapa pa adia a skul

kaipatni ahihziakin skul ah vakha a, a office kai ding zekai in suakta hi. o Mi khat leng a office a seppihte toh nekkhawm ding ‘Donut’ a puak ni ding ahihziakin huai kaikhawma abuai ziakin zekai in si khalou hi.

o Nupi khat leng huai zingsang a aphawngtu ding sana (alarm clock) a ginlouh ziakin thouthakin a office kai ding zekai in suakta hi.

o Mi khat taget lah office kai dia kuan, lampi a accident khat a om ziakin a lampi hun bangtan hiam khak in oma, huai in zekaisakin suakta hi.

o Mikhat in bus laplouin, suakta hi. o Mikhat in a zingan nek (breakfast) a puanah a bangsak kha a apuansilh a khek na lam in a office kai ding zekai a suakta hi.

o Mikhat mah lah a car start zohlouh ziakin zekai suakta hi.

o Mikhat mah lah kuankhe dek mikhatin phone a a houpiah ziakin

Asst/Secy dingin Elder L. Hangthanmang. Huan Presbytery ai-oh Elder 4 GAWCa member dingin Elder T. Dongzasuan, Elder S. Thangsuanmang, Elder T. Thangzachin leh Elder S. Donglawmlal te telkhia uhi.

b. South Lamka Presbytery.

Thingkangphai PCI Biakin ah nuamtaka zoh in om.

Budget for 2013 Rs. 48000/=,

Presbytery officers: Moderator dingin Pastor M. Thangkhanmuan. Vice Moderator dingin Pastor Douseh. Secretary dingin Superintendent. Asst/Secy dingin Elder Kamsanglian. Huan Presbytery ai-oh Elder 4 GAWC a member dingin Elder T. Hauchinlam, Eldr T. Thangzakhup, Elder Kounmang leh Elder L. Tualzapau te telkhia uhi.

c. Singngat Presbytery.

Singngat PCI Biakin ah nuamtaka zoh in om.

Budget for 2013 Rs. 63000/=,

Presbytery officers: Moderator dingin Elder H. Khanlian, Vice Moderator dingin Elder L. Khupdolian, Secretary dingin Superintendent, Asst/Secy dingin Elder G. Thangbiaklian. Huan Presbytery ai-oh Elder 4 GAWC a palai dingin Elder V. Pumkhogin, Elder G. Vungsuan, Elder D. Hemthang leh Elder K. Nangkansuan te telkhia uhi.

d. Thanlon Presbytery.

Thanlon PCI Biakin ah nuamtaka zoh in om.

Budget for 2013 Rs. 42600/=,

Presbytery officers: Moderator dingin Elder C. Lawmkima, Vice Moderator dingin Elder H. Pumkhanlian, Secretary dingin Superintendent, Asst/Secy dingin Pastor Zamkansuan. Huan Presbytery ai-oh Elder 4 GAWC a member dingin Elder G. Ginzamang, Elder N. Dongzachin, Elder Thangkhanpau leh Elder S. Kamlam te telkhia uhi.

THU TUAMTUAM

1. Holy Institute of Music & Culture (HIMAC) honkhiak in om.

Amun : Yaiphakol PCI.
Ani : October 18, 2012 (Pathianni)
Ahun : 1pm.
Ahongtu : Rev. H. Chin Thiansong, Coordinator (Missions).

Hiai tuh Music kisinsakna School/Institute ahi a Saptuam in Meitei Mission Field a nna isepna uh panpih tu hoihtak ahonghih ngei lam-et ahi.

2. Seminar: Kristian manungda nupigi thoudang chih thupi a neiin seminar poimohtak omding.

Amun : Waikhurok PCI.
Ani : October 27, 2012 (Kiginni).
Ahun : 7:30am to 3pm.
Pitu : Rev. H. Chin Thiansong, Coordinator (Missions).

Hiai tuh Meitei Mission Field a isepna uh hatsakna ding ban ah saptuam 10 ineihte hatsakna ding la-et na ziaka nupite sinsakna piakding tupna ahi.

3. Presbytery tuamtuum khompite zoh hita:

a. North Lamka Presbytery.
Olive Biakin, New Lamka ah nuamtak a zohin om.
Budget for 2013 Rs. 63000/=,
Presbytery officers: Moderator dingin Elder N. Thangzamo. Vice Moderator dingin Elder V. Tunzalian. Secretary dingin Superintendent.

zekai khain suakta hi.
o Mikhat lah ata a nuak (kiphin/kibawl) ziakin, zekai in suakta hi.
o Mikhat in lah taxi a ngah zohlouh ziakin, zekai a suakta hi.
o Mikhat lah akhedap thak buh in akhe het dulhin damdawi zuakna ah a tuam malam ziakin zekaia suakta hi.

Hiai a tunga mite amau thu banga, a sunawngkai ding omlou a World Trade Centre a a office kaina ding chiat uh a hun a tung hile uh bang a chi dia, a tanchin uh lamdang mahmah ding hi. Huaiziakin ei utmawng, thadah man, kizenlouhman leh ngengkhai man hiloua i hihtheihna pel a i hinkhua a

thil hong tungte ziaka kimohsa, kingaisia, leh lungke mai ding i dam? Hilou! Huai thilte etdan dangin en thei in hon awlmoh gige pa Pathian kiang tun le i tawldam in i lungkim ding hi. Huai bang hunte, thiltungte Pathianin haih hiam ahih kei leh theikhial kha chih om ngeilou hi, huai naksangin nang leh kei hon khutuahna ahih keileh hon kepbitna ana hi nuam zaw hi. Na gintak sangin Pathian in hon awlmoh zaw hi.

Hon awlmoh hon khotuah ka thei, ka dahna hon thuakpih hi. Zan khomial leh lam haksa ah ka hondampa'n kei hon khotuah hi. Soul Connect, July-Aug, 2012



HIMAC (Holy Institute of Music and Culture) kichi Meitei Mission Filed te'n apaisa October 21, 2012 in Yaiphakol ah honkhiakna nei ua, hongtu in Rev. H. Chin Thiansong, Coordinator (Missions) pang hi. Amaute'n la & Music tungtawn a tangthupha genna kal sangzaw suan sawm in kisa lel uhi.

SAPTUAM PHUHNA A THIL GUANDAN TANGPI

-Vung D. Tombing

Tualsung saptuam piching khat nasepte tuh lianpi li in akhen theih: (a) Pathian biakna, (b) Polam nasepna (outreach), (c) Hehpihna nasepte, leh (d) Saptuam thak phuhna:

- A. PATHIAN BIAKNA: kingaihnatna leh kideihsakna Pathian biakna in a thiltup lianpen tuh Pathian Biakna Pitu bung 47:3 a kigen bangin Pathian' thupina ahi. Huan gingtute lampang etin bel Pathian' hehpihna ziaka khanna atun hi. Huai hehpihna a khanna tuh anuaiate a muhkhiakin aom:
- B. POLAM NASEPNA (Outreach Program): Polam nasepna chih pen tualsung saptuam khat miten amau saptuam sung leh pua, amau omna mun leh kimvel lak leh apolam uapa zazo leh lianzo a nasepna aneihte genna a kizang ahi, sappau a outreach program kichi. Hiai pen kong thum in asepkhiak theih hi, anuaiate bangin:
1. Sinsakna.(instruction): Pathianthu leh doctrine diktak kisinsakna ahi;
 2. Hihsiangthoua (Sanctification): Hindan siangtoutaka khosa dinga gingtute hihsiangthoua omna;
 3. Kithuahkhomna (Fellowship): Pathian Biakna Pitu bung 47:2na in biakna a gingtute kithuahkhomna hichin agen: 'Mipi biakna kikhop tuh Pathian' tate amau leh amau kimuhtuahna kia lel hilouin, himahleh apoimoh penin Pathian leh Amah telsa mipite kimuhtuahna ahizo. Huan hiai kithuahkhomna tuh gingtute laka khalam leh taksalam a kithuahna leh ki-itna,
1. Chialpina (Evangelism): Krist a pianthakna leh Pathianthu a hinna neiloute kianga mimal hiam, ahonpi hiam a hotdamna chialpi neihna ahi. Hiai tuh local septuam khatin program poimoh pente laka khat a neih ding ahi.
2. Missionary Nasepna (Missions): Missions nasepna ichih chiangin tualsung saptuam kana, a polam, mun dang a tanchinhoih

Ahia, ka thukup nop chu,- khawmpilian hitawkw lehleng, saptuam mi tam leh tawm kikhe mahmah ihihmanun a category a khen a kidemna bawl mai ding ahi. I siam dan uh kibang lou hial ahihteh. Adiktakin tanggam leh phaijang lel leng kikhia ahi. Ahia, kidemna endiktu dingin saptuam dang la leng houh I lung uh akim pen diam?

Pawl khengam: Pawl khen gam lam ah chih thupi a nei a atawp nitak I min vuah uh kipahpih huai sa ing. Pawl dang I chialte'n pan naak seem a lak di ahihdan ahon sinsak un ka thei. Asiam mahmah mai uh!! Chial louh di lauhhuai mahmah hi. Hichibang a Toupa' hoihna zar I zoh khawm uh kan a manpha dang omlou mah ahi. Hun a sawt dektak ziakin a tawpna lam a item tangte'n a deih bangun a ahih man nawn kei ua, huai ah a poi dektak a hiven, fuh mahmah hi.

Report: Presbytery chih apan secretary report petute a siam un a tei mahmah ua, ngaihnop mahmah hi. Kei ngaihdan idea ka hon kup nop chu,- Khawmpi Committee a secretary in Presbytery chih apan lakkhawm tomkim tak in simkhia henla,

report na kia a biakna hun khat I suk bei sangun a manpha zaw diam? Huchia Presbytery chih apan Secretary report I om sak lehleng, anasepdan kia uh tomkim petmah hihenla, inn phazah, baptisma tang zah, sawm a khat pe zah, chihte Presbytery chih apan kaihhawm a tomkim petmah a khawmpilian Secretary in pekhe zo leh. Kei gen pen hoih pen lou ding, kei bel thil tomchik a sai theih zenpi suksau louh ding chih ahilel hi.

Awle, I kipahlam kon genkhia hiam, kon gen kha kei hiam nou thu. Bangteng hileh hichibang a khawmpi lohching pen ei saptuam adia om mengmeng lou ahihna ah manpha sa in, vaisaitute phattham ahihna uh thei kawm in, khawmpi dia kal suan khete kan a pahtak huai omlou ahi chih hon gen kawm in ka thugelh ka zou ding.

Drama: Mi' muhnop pen khat ahihmanin fuh mahmah hi. Apurda pen hong kisekha laizang chihmanthu lel. Lem chiingte lah a siam ua, tha tam a pe bok ua, a et tham mahmah hi. Insung lam ate sangin screen a ente'n cinema en mah bang ahihmanun nuam sa mahmah uh achi ua. Hiai drama en di mawngmawng a mi tampi hong pai ana hidan aka hia. Drama hunsung teng compound sung mihing phur noi-noi maimah. Purda ziakin a scene teng a chiing thei kei ua, poi ka sak pih mahmah, lah tua teng a le hun geih hizaw mai thei. Fuh chet hizaw. Drama apan thukhun inkuan suk-hat poimahna theikhia mi bangzah hiam ka houlimpih kha hi. Huaiziakin, drama tuh chiinchi viau hikha ding hi. Maban ah missionary dia sapna leh nasepdante khawng drama hohtaktak neitou theile challenging mahmah dingin um ing.

Special number: Ka gintak tunglam pek ah nupi pawl chilou di'n lapawl a siam uh kasa. "Kei ana kiniam koih lua hikha ding kei ve" ka chi thak hial. Special number chih sangin leng Pathian pahawina lapawl chih lungsim a nei in, a neizou saptuamte'n hiai nupi lapawlte bei sak lou in, kemtou thei lehang ut huai hina maizen ê!

Kidemna: Tren...tren...endiktu dia mohpuakna tang himahleng lemtanlouhna khenkhat ziakin Contest Director a suantouh in ka om a, ka kipak mahmah hi. Aziakbel, endiktu hih ka ut lam ahikei, nidang in endiktu in ka na pang sek a, akhonung a ka theih chiangan I mark piaksa tengteng heikawi a, prize-te siam leh siam louh thu hilou a hawmzak sek uh ahi chih ka theih ziakin. Tutung PWF khawmpilian ah ahihle endiktute' endik dandan heilamdang lou in akikoih a, lungkim huai hia, lungkim huailou chih ka thei kei, ahoih sang in a dik a pai hoih kasak zawk ziakin. Kidemna ahihziakin, endiktute' mark piak heikawi sak a hawmzak kichi thil dik ahikei himhim. Huaiziak mah in endiktute mark piakdan tunitan in hohtakin akikem lai a, et leng a et theih gige hi.

Kidemna a tel na-na-na prize khat beek lak louh chu....chi thei di khop in kidemnate I serious ua, kipah huai. Endiktu' mohpuak bel, hehpihna hilou in, siamna bang a mark piak ding ahih dungzui in kidemtute' theih dia hoih ahihle, endiktu mi 4/5 in a et uh ahihziakin, siam sim mahlehang I kigintak bang chet a prize lak louh theih ve-ve ahi.

tangkoupihna nasepna ahi. Ei gam sung mah leng ahi thei, gam pua leng ahi thei. Himahleh mahni saptuam sung bel ahi kei – mahni saptuam sunga sepna ahihchiangan tualsung chialpina (evangelism) akichi deuh.

3. Tualsung Hinkhua Awlmohna (Community involvement): Saptuam khatin a local saptuam sung kia kibuaipih louin a omna tualsung ah hinkhua hoihna ding leh dopkangna dingin awlmohna lianpi aneiin, akikum ding ahi. Mimal tualsung vantang hinkhua bawlhohina ding leh dopkangna dingin nna asem ding ahi. Tualsung hinkhua a khelhnate leh hoihlouhnate douna ah leh hiidikna nasep ah saptuam akikum ding ahi.

C. HEHPIHNA NASEPTE:

Saptuam nasepte laka kahiang poimoh mahmah khat tuh hehpihna nasepna (Ministry of mercy) ahi. Hiai nasepna in anuaiate atunkha hi:
1. Deacon nasepna: Hehpihna nasepte saina ah deaconte a lamkaitute leh mohpawtute ahieh. Panpihna nna tuh nasepna kahiang poimoh mahmah khat ahia, deaconte zanga sepkiak ahi.

2. Tualsung leh khovel pumpi olmohna: Pathian saptuam hing leh diktakin tuh tualsung leh khovel pumpi toh kisaiin hehpihna nasepna lamah awlmohna anei dinga, theihtawpsuahin apang ding ahi.

D. SAPTUAM THAK PHUHNA: A hindan ding diktaka hing, saptuam hing-in tuh atunga kigensa thil thumte bana saptuam thak phuhna awlmoh lian khatin anei nawn ding ahi. Saptuam thak phuh chiangan anuaia thute zuih tangpi ahi:


1. Innkuan Masate (Seed families): Saptuam thak khat phuhkiakna dinga a patna ding innkuante zonkhiak masakpen akiphamoh hi.

2. Mission Saptuam Phuhkiakna (Mission church): Saptuam thak khat akiphuhkiak chiangan amah leh amah akitoudelh theih ma leh session piching tuam nei thei a aom mateng "Mission Saptuam" akichi hi.

3. Tualsung Saptuam Piching: Mission saptuam pen amau khe a ding thei – chih tuh kivakzou, pastor tuam nei thei, vaihom upate

nei a session piching bawl thei a aom chiangin piching ahita a, mission saptuam hi nawn louin tualsung saptuam piching ahita hi.

SAPTUAM PHUHKHIAKNA A PAIDAN TANGPI



Hiai atunga saptuam khatin a sep dingte laka amasa teng thum – Pathian biakna, Polam nasepna (outreach) leh Hehphna nasepna a sepkhik ding kiguangte tuh amaban a khat khit chianga khat sep ding hilouin avek a, lom khat a sepkhawm touh pah ding ahi. Huaibanah sepzoh chih leng om hei ding ahi kei – sepzomzel dingte ahi. Huan lina – saptuam puhna pen tuh saptuam hiam agency hiam khatin Organising Pastor khat zanga abana asepkhiak ahi.

Rayburn saptuamte phathuai uh kasa. Zin hawm dingin PWF-te zingkal apan kikaikhawm in duty pah mawk uhi. Akithalawpna un khawmpi nuamsak mahmah nawn hi. A koi apan a puan silh di huchi zahzah le hon kaikhawm thei ahi di uam.... fel a fel na-khat nei uh, gingtu Toupa a kipahna nei I chihte kilatkhiakna I chih hiaite khawng neuhneuh hitoupek ahi chih ka muhna sawtta.

Program: Program afel in anuam mahmah. Program a telkhalou stage lam a va-kiviallehte chihlouh!! Hun tan nei peuhmahte amau hun atunma in atangpi in hong kihilh siau-siau ahimanin nuamtuum in bengvak huai mahmah hi. Biaknate sawt sim-sim sek mahleh atawp tan in biakin (hall) kidim phitphet lai hi. Tutung a thupi kasak mahmahte lak a khat ahi. Nidang a Program I neih chiangun program a sawt peuhmah leh hall nungram teng awng gai hi a, tutung in chu I tu thrip-threp ua, mak ka sa hial hi. Khanlohna khat nei ihimanun kipah huai ka sa mahmah hi. Ahia, alanglam ah nupite' chihtakna ziaak lel ahi diam, maban ah PYF khawmpilian hon nei lehang bang Ichi mah di uamaw? Kikhawm vanglak chu a tom-asawt thutuam, a tawp tan a tut giu-geu mai ding ahi. Mi changkangte/mipilte huchi uh

aihkha aw!!
Thugentu: Kei thugentu dia ahon seh louh uh kipah huai kasa (he3). Thugen ma a I taw kham man sim khop a sawt, bangbang hiam hih di tam-a-tam mawk!! Amau le ngaklah sim hui-hiau kawm in thu ahon gen ua, hun omdan dungzui in a gen chet-chet ua, phat tham ching uh sa ing. A thugen di uh a kigingkhoh uh chih a theih-theih a, huai in a ngaihrop huai mahmah hui-heu hi. Ahia, ka lauh chu.... thugentuten bangbang ahia agen uh chih kidong hilehang gen theih na nei lai di uam? Pathian thu I ngaihkhik dan uh kivelthak tuak sa ing. Huaibanah khawmpi chih man a banglouteng, nep nawi tuamtuum hih tei-tei louh ahoih zaw dia aw chih ngaihdan ka nei.

Mohpuakna: I saptuam in I hun paisate apan et-in mohpuakna (tanmun) got dan siam zou lou gige hi in ka kithei. A min a tanmun hoihpi-pi pua, mohpuakna thua, lah khawmpi di kuan khawng a mi 2 leh 3 buai chihtak a buai chih dan ngen in I om kha gige uhi. Tutung PWF khawmpi a heutute amau dinmun di mah lenkha chet mah uh hi in ka mu, dinmun lentu zil in niamchik ah aom theih a, dinmun lentu zil in sangpi atun theih chih achiang.

Review:
PWF JOINT CONFERENCE 2012

Vaisaitute'n report ahon gelh di uah aw.....chia ka ngak bawl leh, kei' review bawl set sawm uh ahihtuak ua, a hai kilawp bang deuh sim in kon thai suk nawn deh. Ahia ken bel, hoih kasakte phat, bawldik tuak ka sakte gen, diklou ka sakte le huchibang mah a im tuan lou, mi' kipahna di zawng a le gelh sawm lou, mi hehna dia le gelh hituanlou, kei' hoih sak dan leh ka muh dan tangtak a tanglang sek ka hihmanin asimtute' ngaihndan ah kinga mai hi.

Zanlam in Pethuel BYF, EBC-te'n lua ahihlel hoih, himahleh, nalh amau tuailai day zatna hun a la toh zouzai nawn lou lampang hi in ka phatna kutpi khat azatna uah mu.

laphuaktu khat hihna zar in deihsakna leh ngaihnatna tangin, vangphat PWF Joint Conference toh kisai huaitakin ahon chial ua, ka vatel tei vaisaitute' kisakkholhna thupi leh hi. *Misiangte lenna* chih leh *Zohna etton huaipi tamtak ama lam in ka puanlaap* chih la ka phuahndan diktak hon gelhta. Khawmpi I neih hial ka va genkhia hi. Ka gen utpen chiang ua zaw amau aluak uh suah ahihlel ka laphuah dan hizawlouin, a thoh hialta ding hi. Thil ihuchi sai program sai dan uh hizaw. Program louh chiang a lohching theilou zatlai a stage a kivialleh, khat kun ahihndan haihlou hi uhi. khau-khau a hongpai in, conductorpa' bilbuuk a banghiam hong gen siau- siau chihte aom kei a, a siangthou in a piching mahmah hi. Huchibang vaisai dan pen ei saptuam in tasam ka kisa.

Khawmpi i neih himhim chiangun a program fel mahleh stage lak a kun khauhkhauh a kivialleh i pumdim sek ua, huai in i program uh konok sak sek hi. Huaibanah limlak bangle poimoh

Zintuntu: Khawmpilian zintuntu

HIAI KHELHNA A PAN NA SUAKTA NUAM HIA

(2Samuel Bung 11 & 12).

Cf. Kilakna 2:21 & 22 “...amah a kisikna dingin hun ka pia a; huan a mingaihna khelhna tuh a kisik nuam tuan kei hi. Ngai in, amah tuh damlow-lupna ah ka pai ding...”.

Kumpipa te akidou san laitak un kumpi David bel Jerusalem ah om in sun ihmu hithiat hi. Nitak ninem in a lupna tunga pan thoukhia in intung vum ah kahtou in a khodak hi. Numei lunggulhna toh khodak ahih man in nupi khat kisillai muchitchiat hi, huai numei bel melhoihtak ahi chi in Bible in agelh hi. David in huai numei kua hi hiam chih kan dingin mi asawl hi. Huai numei tuh Hit mi Uria'zi Bethseba ahi chiin ahihlel kik uhi. Mi'zi ahi chih thei gegu hinapi in ava pisak ua a kumpi insung ah lutpih in luppih mawk hi.

David mah bangin tulai in pa tampi te azite ua lungkim lou in numei dang lunggulhna toh kholak potpot uh ahih manin zi leh tate adingin haksatna lianpi tunhi.

Huchimahbangin numeite leng ihithou hi, Uria'zi Bethseba mahbangin imelte ahoih a, kicheina lah sang mahmah in, ichite nousuak in imam pikpek ua, inelkai ngihngiah ua, itanute toh nungak khom mah ibang ua, Pathian vualzawlina ahihlan phoklou in ipasalte a dingin panpihtu leh vualzawlina hihnak sangin ipasalte lungkhamna ihih ban ah pasalte ang a pan pasal dangnei hilhial

bangleng I om mok uhi. Bethseba in a pasal hing gegu in ang dang a kawm ziakin apasal a suun maimah hi. Mulkim huailua hilou hia unau te. David in alung gulh mahmah numei ang a kawm khit in lungkim leh kipak mahmah ding isak leh lungkim leh kipah naksang in lungkhamna in a delhzui pah hi. Bethseba in gai kahi nang a pan naupai kahi chih ahilh pah hi.

Huchiin David in kuamah theihpih louh in buaina hon tuak panta hi. Mitheihlouh mah a hihveng som in apasal Hit mi Uria galkap a omlai samkhia in azi kianga lum dingin asawl hi.

Himahleh Pathian David tunga lungkimlou ahihmanin Pathian in Uria azi kianga lumlouding in azoukhin hi. Bangdingin kalawmte galgam a haksataka sihlehhiin kala gam a aom lai un kei kazi kiangah lungmuang takin kalumthei ding hiam chiin dawng hi. Numei leh pasal kuamah mimuh naah lumkhom ngeilou hinapi in numei leh pasal kal a mi aminsiat chiangin leh ngoha aom chiangun ka lupkhomlaitak uh nahon mu ua hia chiin pangsek uhi. Pathian in mi apholhkhiaik nop chiangin immangtheih bangmah aomkei hi. David in mi theihlough in athuguk hihveng somin pan lamahleh Jeremia 17:10 “Kei Toupa bel mi chih a om dan bang jel u leh a thilhih gah bang jela pe dinga lungsim enkhepa, lungtang enchianpa ka hi” chipa ahong kipan hi. David in Diabol mun-on in Pathian gensiatna hun lemtangtak abolsak ziakin Pathian David tunga lungkimlou ahih man in akhelhna pholhsuah dingin Jawlnei Nathan asawl hi, Jawlnei in David kiang ah dotna adong hi. Khua khat ah minih aom ua khatpen mihausa ahi a, khatpen migenthei ahi. Mihausa pa’n Belam tampi anei a, agenthei zopen in Belam khatkia anei hi. Mihausapa inn ah khualzin mi khat

azin tung a Belam tampi nei mah leh gohlou in khatkia neipa a lak sak in azinpa agoh hi chiin agen hi. David in hichiin adawng a, Pathian’ hinna lou in kagen hi hiai mihausapa hihlup tuak ahi hehpihna aneihlough ziak in Belam mun li a aditding ahi achi hi. Unaute aw ei dinmun a mi adin chiangin ei kiphoklou in mi khelhna mu a vaihawmkhum abaihlam mahmah hi. Huchiin Jawlnei Nathan in David akok a hihluptuak nasakpa tuh nang nahi achi hi.

Hiai mihausa pa’n Belam tampi aneih mahbangan ngleng zitampi nanei a mizawng pa’n Belam khatkia aneih mahbangan Uria in zi khatkia anei a himahleh nang nalaksak a amah nathat zomah lai hi. Huaiziakin Toupa’thu nangaineu a amihmuh in thil hoihloutak nahihtamai hi.

Huaiziakin:

1. Namsau in na insung akikhin san kei dinga.
2. Na insunga pan mahin thil hoihloutak kasuaksak ding.
3. Na mitmuh mahmahin nazi kahon laksak ding.
4. Midangin sun khovak laiin nazi aluppih ding uh.
5. Nangbel agukin nahiha kenzaw khovak ah kalangsak ding hi.

miah mai uhi. Kumpipa’n meikuang thupitak a a paihlut ma in, Babulon milem pathian ma a kun a biak diing chih thupiak ahi na a, Pathian tak a lauh jiaik uh, Pathian tak a neih jiaik un, a tolh maimai kei ua, kunlou leh belou in a om uhi. Daniel leh a lawmte’n, Eksodas 20:3 a, “Kei lou ngal Pathian dang na nei diing ahi kei” a chih a taktak in a jui uhi. Gim tampi thuak in Pathian lalgam ah i lut diing uh ahi him ahi, chih Nasepte 14:22 ah i sim uhi. Hiai in, tu hun in leng kristiante tung a sawina, gawtna leh gumtak a takhumna omte ah i taise kei diing ua, Pathian tak aa diingin, sih i ngam uh a kuldin a honsinsak pha mahmah hi. (Rom. 12:1; Kil. 2:10; 2 Tim. 2:4).

Tuni in, hiai leitung a Jesu a hongom lai in, “Pathian nna leh sum nna na semkop thei kei diing uh” (Lk. 16:13) a chi a, himahleh, tulai i kristianna uh i etchet aleh, Pathian sang a sum deihjaw, lunggulhjaw leh huai a kitatnat tampi mahmah i om uhi. Ngai dih! Unau simtu it, Daniel leh a lawmte’n milem pathian a biak utlough bang un, eite’n leng Pathian sangin sum thupingaih zo kei ni. Sawltak Johan in, “Khovel lunggulh kei unla, khovel a thil omte leng lunggulh sam kei un, mi kuapeuh in khovel a it aleh, Pa a itna amah ah a om kei hi, khovel a thil omte

tengteng sa-utnate, mit-utnate, damsung thupina limte khawng Pa a kipan ahi kei” (1 Jn. 2:15,16) a chi hi. Pathian sang a sum thupijaw a koih, Pathian khatna a koihlou na hih aleh bel, sum na pathian ahi, chihna ahi.

Ngaihtuah mah dih unau simtu it, May 7, 2010 in Lamka khopi ah i gam ua tanchin hoih honglutna a kum 100 chinna i lawm ua, huai ah, sorkal ulian leh khawnbawl upate khawng tanpha tangsak in, hiai centenary lopna a sum tampipi honthoh diing uh i ut jiaik un, ahi alah, huai hun lai in, Mao Gate ah buaina a om a, antang man khawng van man khawng a lehnih in a pung maimah hi. Hiai in khovel thupina leh sum leh pai i lunggulh jiaik ua Pathian hon-gawtna, honsawina leh honthununna ahi, i chi lou thei kei diing. Huaijiakin, hichi bang program khawng a tanpha tang thei diing, saptuam leh Pathian lam a heutu lian i neih lailai un, sum leh pai etlahna, lunggulhna jiaik, minister-te khawng tanpha i tangsak maimah uhi. Kristiante thilchin dia kilawmlou ahi, chih i Laisiangthou simna un chiantakin a honhilh thei hi. Hiai i thugeluh uh tungtawn in simtu itte jui thei diingin, Toupa’n a thupha kia hilou in, a vualjawlna tanpha honbuak hen aw. Amen.

gam ua kipan mi gam a vakuan, a Israelpihte un leng, ju leh sa ne le uh, theipha hetlou diing uh hi a, Pathian a lau uh, chih hiai ah a kilang hi. Pathian deihlough lam a semkhe nuam kei ua, hih leng a hi hut kei uhi.

Huan, Daniel leh a lawmte a kipan sinlai manpha i muhtheih uh, i etton theih uh om nawn tuh, thutak a gum ngam uhi. Unau simtu it, nang thutak na gum ngam hia? Tulai khovel, huai hun lai a Babulon dinmun toh kibang hun ah, eite'n thudik, thutak i gup ngam uh a ngai hi. Pathian in jaw, mi lepchiah, juaugen, thutaklou, mihing mitmei veng maimaite a mi diingin a deih kei hi. (Lk.9:57-62). Jesu mah in Pilat ma a a din lai in, "Thutak gumte peuhmah keilam a pang ahi uh" a chi. (Jn.18:37). Huan, mite ma a hon-gumlou tuh, ke'n leng ka Pa ma ah ka gum kei diing, a chi. (Mt.10:33).

Unau deihtak, tulai in i lak uah heutute mitmei veng, thutak gen ngamlou tampi i om ua, huan, a sep lai ua gen ngamlou ua, "Ka pension chiangin ka gen diing" peuh a chi mawkmawk pawl i om uhi. Thutak i gup ngam kei uleh tuh, Jesu lam a pangkha lou i hi diing uhi. Daniel leh a lawmte'n Pathian deihlough lam peuhmah ah, mi gam a lai sin, siamna

sin a vakuan ahi na ua, ngai dih, "Ni 10 sung hon-enkhia un" a chi ngam top uh hilou hia? Nang lah bangchi diing? Mi'n ju leh sa hiam honlui Chiang ua, sel ngamlou a ne mai hiam dawn mai na hi hiam? Ahihkeileh, na tung a mite'n a diklou simp i a sepkhak, a hihkhak Chiang ua gen ngamlou a, thudik gum ngamlou mi na hi ngei himhim hia?

Ahikheileh, kua hiam in i diklouna a genkhak Chiang ua, kibawlhoih sawmlou a hehsan, mudah leh nawlkhin maimahte i hikha uhiam? Laisiangthou in bang a gen a? "Eimah a khelhna belhte koihmang ni, i ma ua kitaitehna om ah tai ni" (Heb.12:1) a chi hi. David in a khelhnate Nathan in a vatut lai in, a tungin heh sim in, hang phomphom mahleh, a kiang a, huai khelhna hihtu nang na hi, chi a Nathan in a gen nungin, bang ahiah a leh? A khelhnate thuphatawi in, Pathian kiang a Juan a, huai a khelhna (numei leh pasal kal khelhna) ah a bual thu himhim simkhak leh jakkhak in a om nawn kei hi.

Huan, hiai Daniel leh a lawmte tungthu ah i sin theih diing dang om lai tuh, Babulonte nuai a laisiamna a sin hun uh tu hun toh kituak ahiah dungjui in, Pathian' min a thuakna diing omte ah, taise hetlou in a thuak

Unaute aw hiai hamsiatna thuakding in ikingam mahmah dia hia, Mulkim huailua hilou hia? David in akhelhna Pathian mai ah pulakin ngaihdamna tangmahleh agu athuak thouthou hi. Amulkim huailua atapa a sun a, atapa mah Absalom in amah adou a, kumpi chingektak himahleh atapa lauin nuamtaka akhosakna mun Jerusalem nusiain Olive tang akaltou a akhevuak in linglak khaulak, suanghumlak palin tang ah kaltou hi. Apai komkom in kap huphupa alu puanin khuh hi. Mualphoutakin Olive tangvum tungtous kousiatna leh hamsiatna thuaktouzel lai hi. Sawla inkote lak a mikhat amin Simei kichi hamselou kom in hongpot a akou zialzial hi. Suangin adenga paimangin paimangin sisan suahhatpa Sawla vaihawm sikan vaina hawm a Sawla inkuante sisan Toupa'n natung ah akiksaknonta nang siatna ding nangmah in nakibawl ahi chiin akou zialzial hi. David in angkawmna lampi azuih ziakin a insungin thuak petmahin athuak hi. A insung niamkiak hiai hiai in a lalgam Jerusalem nangawn a tangzoutakei hi. Apaina lamlam ah dau pailou in hamsiatna in zuitou ziahziah hi. Eite lak ah leng David mahbangin angkawmna lampi izuihziak in

imaban limchi bangin langsim mah leh lungin anak-heu zik painonlou bangin iom ua insung dau painonlou in manthat lam not hiai hiai muhding tampi iomta uhi.

Unaute aw kingaihtuah thak mahmah ni, khelhna imaingal lota uhi. Nidanga gamdang news a isimkhak Chianga mulkimhuai leh chizathuai isak banah ginglou mite adia ikoih eilak ah leng atung tamok hi. Apa'n atanu luppih chih eilak ah leng zak zeuhzeuh in aomta mokhi. Lot in kawlhawm sungah atanu nihte luppih in ta neituak uhi. Asuante uh galdou dia kisa lai namsau in amau leh amau kivattan gawp in asuakta omlou uhi. Angkawm na lampi zuih chu sihsia a sihna lampi ahi chih imuthei hi. Amnon in leng asanggamnu phutlueh a aluppih ziakin sihsia mahin asi hi. Nang leh kei leng hiai lampi atawnkhaten itopsankei leh ikhang paitouzel dia gallampi asat-hong sak isuak maimah ding hi.

Numei leh pasal kal thangtatna paktatna leh huk leh kingai a omna Setan lampi ahi. Hiai lampi tawnte mimuh in nuamsa bangin langmahle uh minuamsa aomkei uhi.

David leh Bethseba papisa

leh nupisa ang akikawm zia kun Bethseba in apasal asuun a, David in leng atapate asuun hi. A insung ah pa leh ta kidouna apiang hi.

Sodom khomite huk leh kingai a aom zia kun Sodom khopi mei leh kaat in kangtum hi. Kisik a Pathian kiang izotkeileh eileng kattumna imaban ahi. Galatia 5:19 & 21b “Huan sa thilhihte tuh a kilangchian ah hi, huaite tuh hiaite a hi uh: angkawmna, kingaihna, thanghuaina, hukna, ... huchibanga thil hih chingten Pathian gam a tang kei ding uh, ...”.

Hiai nasimlaitak in nalungsim in hua-nu hua-pa leng mizulhzau mipaktat hi, akhosakna dau pai in

achi alu dam in khangtou semsem uh ichikha maithei hi. Unaute aw hiai angkawmna lampi tawn a Pathian’ sawina tuaklou mi tuh Pathian’ta hilouin Setan dawimangpa’ta hikhading ihi. Setan’lampi tawnten tuh Pathian’ gam atangkeiding uh. Unaute aw hiai khelhna a pan nasuaktanuam hia Jesu’n honngak hi. Kilakna 3:20 “Ngaiin, kongkhaka dingin ka kiu hi: min ka aw a jaka kong a hon leh, a kiangah ka lut dia amah toh nitakan ka ne dia, aman leng kei toh a ne ding”.

Simtute tengteng Toupa’n hon vualzawl chiat hen.

-Nu Sialvuang
Rayburn Presbyterian Church

I etton diing ua manpha:

DANIEL A KIPAN SINLAI MANPHA

Eugene H. Chinzahao, Paite Writer

“Laisiangthou a kuhkalna leh khamuanna mu a lametna i neih theihna diing un, nidang lai a kigelhte peuhmah eite honhilhna dia kigelh ahih jiaak un” (Rom.15:4) Gim tampi thuak in Pathian lalgam ah i lut diing uh ahi him ahi. (Nas.14:22).

Laisiangthou hoihtak leh siamneltak a i suisui aleh, i zuih diing uh, i zuihlouh diing uh a kigelhkhawm tangpi deuh hi. Ahihhangin, i zuihlouh diingte uh sangin, i zuih diingte uh suikhawm zo lehang, chi in hiai ah ka hontaklang hi. Dik na sam hiam? Mun dang toh na tehkak ngei hiam? Mun dang kigelhte toh kituak na sa hiam? Limtakpi in vel mah dih.

Huan, i theih diing ua hoih mahmah tuh, Babulon in khovel a etsaak kia hilou in, huai a siamna sin a kuante’n ei gingtute khovel i kho mun det hilou, khualzin i hihdan uh honhilh thei a, huaijiakin, mi gam a va-om ahih bang un, eite leng i kho mun det hilou khovel ah i om uhi. Huai i khualzinna gam leh khuate ah bel, haksatna tampi thuakkha diing i hihdan uh leng i theih mahmah uh a kul hi.

Hiai Daniel laibu hoihtak a i sim aleh, tu hun, khovel tawp kuan toh a kituak lotel mahmah in a theihtheih hi. Tulel a AIM Magazine Honorary Editor Rev Dr. Richard Howell in leng kituak a sa mahmah hi. (Aim Mag.Editorial, Aug.2012 issue en in).

Daniel leh a lawmte Babulon gam a siamna sin diingin telkhak in a om ua, ahihleh, bang thu bang la omta? Huai a traning a kuante tuh ju leh sa mehsak, neksak ahi uhi. Huan, i theih diing ua poimoh tuh, huai Babulon in tulai aa diingin khovel pumpi dinmun a luah chih thei masa lai lehang. Ngaihtuah dih! Unau simtu it. Daniel leh a lawmte’n ju leh sa meh sangin, anteh louhing ka ne zo diing uh, ni 10 sung hon-enkhia un, a chi ua, ju leh sa a meh nuam kei uh chih chiantakin i mu uhi. Unau simtu it, nang leng tuin ginglou mite toh omkhawm na hi a, Pathian in a honphallouhte na hih teitei hia? Kuamah in honmu kei na in teh, na chi hia? Daniel leh a lawmte tuh, a